



Na osnovu člana 210. stav (1) Zakona o upravnom postupku ("Službeni glasnik BiH", broj: 29/02, 12/04, 88/07, 93/09, 41/13 i 53/16) i člana 9.12g stav (3) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 37. sjednici, održanoj 27.06.2024. godine, donijela

ZAKLJUČAK

o provođenju postupka žrijebanja za dodjelu jednog mandata delegata u Domu naroda Parlamentarne skupštine Bosne i Hercegovine iz Republike Srpske, iz reda srpskog naroda

Član 1.

Na osnovu Odluke o utvrđivanju rezultata posrednih izbora u Domu naroda Parlamentarne skupštine Bosne i Hercegovine iz Republike Srpske, broj: 05-1-07-1-4815/22 od 30.05.2024. godine, a koja je postala pravosnažna nakon Rješenja Suda Bosne i Hercegovine broj: S1 3 IŽ048242 24 IŽ i broj: S1 3 IŽ048243 24 IŽ od 19.06.2024. godine, Centralna izborna komisija Bosne i Hercegovine će provesti postupak žrijebanja za dodjelu jednog mandata iz reda srpskog naroda iz Republike Srpske u Dom naroda Parlamentarne skupštine Bosne i Hercegovine.

Član 2.

U žrijebu će učestvovati kandidatska lista PDP-Partija demokratskog progresa i kandidatska lista predlagača Ranke Perić Romić koje imaju identičan broj osvojenih glasova (12).

Član 3.

Žrijeb će se održati u ponedjeljak, 01.07.2024. godine u 12:00 sati, u prostorijama Centralne izborne komisije Bosne i Hercegovine, Danijela Ozme broj 7, 71 000 Sarajevo.

Član 4.

Centralna izborna komisija BiH, pozvat će političke subjekte i kandidate koji učestvuju u postupku žrijebanja, te ih obavijestiti o vremenu i mjestu gdje će se održati žrijebanje.

Član 5.

Postupak žrijebanja je otvoren za javnost i obaviti će ga službenici Sekretarijata Centralne izborne komisije BiH koje odredi Centralna izborna komisija BiH i o istom će sastaviti zapisnik u skladu s odredbama Zakona o upravnom postupku.

Član 6.

Ovaj Zaključak stupa na snagu danom donošenja i bit će dostavljen strankama u postupku.

Pravna pouka: Protiv ovog zaključka nije dozvoljena posebna žalba.

Broj: 06-1-07-1-4815/22

Sarajevo: 27.06.2024. godine
(N.B.)

Dostavljeno:

- strankama u postupku,
- a/a.

